

## AUGLÝSING

um breytingu nr. 2 við Sérlyfjaskrá, Lyfjaverðskrá II, Lyfjagreiðsluskrá Tryggingastofnunar ríkisins frá 21. desember 1969.

Frá og með 25. júlí 1970 gengur í gildi breyting nr. 2 við Sérlyfjaskrá, Lyfjaverðskrá II, Lyfjagreiðsluskrá Tryggingastofnunar ríkisins, frá 21. desember 1969, útgefin í dag.

*Heilbrigðis- og tryggingarmálaráðuneytið, 9. júlí 1970.*

Eggert G. Þorsteinsson.

*Hjálmar Vilhjálmsson.*

Nr. 134.

9. júlí 1970.

## AUGLÝSING

um breytingu nr. 2 við Lyfjaverðskrá I frá 20. janúar 1969.

Frá og með 25. júlí 1970 gengur í gildi breyting nr. 2 við Lyfjaverðskrá I, útgefin í dag.

*Heilbrigðis- og tryggingarmálaráðuneytið, 9. júlí 1970.*

Eggert G. Þorsteinsson.

*Hjálmar Vilhjálmsson.*

Nr. 135.

9. júlí 1970.

## REGLUR

um kosningu í Æskulýðsráð ríkisins.

### 1. gr.

Æskulýðsráð ríkisins skal skipað fimm mönnum. Menntamálaráðherra skipar formann ráðsins án tilnefningar. Þrír menn skulu tilnefndir af aðildarsamtökum Æskulýðssambands Íslands og öðrum hliðstæðum æskulýðssamböndum. Einn maður skal tilnefndur af Sambandi ísl. sveitarfélaga. Sömu reglur gilda um varamenn.

Skipunartími er tvö ár.

### 2. gr.

Menntamálaráðuneytið ákveður, hvaða æskulýðssambönd skuli teljast hliðstæð Æskulýðssambandi Íslands, skv. 1. gr. Ráðuneytið boðar til fundar, þar sem kosnir skulu framangreindir þrír menn og þrír til vara í Æskulýðsráð. Skulu á fundinn boðaðir fulltrúar frá aðildarsamtökum Æskulýðssambandsins og framangreindum hliðstæðum æskulýðssamböndum. Skal einn fulltrúi boðaður frá hverjum þessara aðila, og hefur hver fulltrúi eitt atkvæði.

Fulltrúi frá ráðuneytinu stjórnar fundinum.

## 3. gr.

Reglur þessar eru settar skv. heimild í lögum nr. 24/1970, um æskulýðsmál, og öðlast þegar gildi.

*Menntamálaráðuneytið, 9. júlí 1970.*

**Gylfi Þ. Gíslason.**

*Birgir Thorlacius.*

11. ágúst 1970.

Nr. 136.

**AUGLÝSING**

**um leyfi til síldveiða fyrir Suður- og Vesturlandi til niðursuðu og beitu.**

Að fengnu álití Hafrannsóknastofnunarinnar, Fiskifélags Íslands og Beitunefndar og samkvæmt reglugerð nr. 13 9. janúar 1970 um breytingu á reglugerð nr. 7 22. febrúar 1966 um bann við veiði smásildar, hefur ráðuneytið ákveðið að leyfa frá og með 16. ágúst næstkomandi, þar til öðru vísi verður ákveðið, veiði síldar fyrir Suður- og Vesturlandi til niðursuðu og beitu, þrátt fyrir veiðibann samkvæmt ákvæðum reglugerðarinnar. Þó er óheimilt að veiða í þessu skyni meira en 5 þúsund smálestir síldar alls meðan veiðibannið varir að meðtöldu því aflamagni, sem þegar hefur verið landað á árinu 1970. Verður auglýst um stöðvun veiðanna, þegar leyfilegu síldarmagni hefur verið landað. Ekki þarf að sækja um sérstök leyfi til þessara veiða. Fiskmati ríkisins hefur verið falið að fylgjast með því, að síld sú sem veiðist, verði öll nýtt til niðursuðu og beitu.

Starfsmönnum Hafrannsóknastofnunarinnar skal heimilt að taka sýnishorn úr aflanum.

Athygli skal vakin á því, að lágmarksstærð síldar, sem leyfilegt er að veiða, er sem fyrr 25 cm.

*Sjávarútvegsráðuneytið, 11. ágúst 1970.*

**Eggert G. Þorsteinsson.**

*Jón L. Arnalds.*

5. ágúst 1970.

Nr. 137.

**REGLUGERÐ**

**um eftirlitsgjald lyfjabúða fyrir árið 1970.**

## 1. gr.

Gjald það, sem lyfsölum ber að greiða fyrir árið 1970, vegna eftirlits með lyfjabúðum samkvæmt 47. gr. lyfsölulaga nr. 30 29. apríl 1963 skal vera sem hér segir:

I. flokkur	.....	kr. 15 000.00
II. flokkur	.....	— 12 000.00
III. flokkur	.....	— 9 000.00
IV. flokkur	.....	— 6 000.00
V. flokkur	.....	— 3 000.00